

جریدہ عالمیہ

مشیخت جلیلہ اسلامیکہ جریدہ رسمیہ سیدر

رجب سنہ ۱۳۴۰

عدد ۷۳

شمذیلک آیدہ بر نشر اولتور

برنجی سنہ

دینی درس‌لر

دن

(۲)

اسماء الحسناتك شرحندن اول مهم بر نقطه عرض ایده جکم که بو نقطه یه دقت ایدیلنجه «ان الدین عندالله الاسلام ..» آیه جلیله سنک معناسی آکلاشیله جق و دین اسلامک تحکیم ایلدیکی اساس کوریلجه جکدر .

عرض ایده جکم نقطه بالجمله ادیانک شو سکیز اصلده مشترک بولونماسیدر :
(۱) انسانلرک طرف غییدن بعض شیلردن نهی و بعض شیئرله امر اولونمش اولدیغنه اعتقاد .

(۲) امر و نهی غیبی یه عصیانک دنیاده بلایه اخراجه سبب اولاجغنه اعتقاد .

(۳) بوعالمک فانی ، بشقه برعالمک باقی اولدیغنه اعتقاد .

(۴) قدره یعنی خیر و شر الله تعالی نک تقدیر واراده سیله اولدیغنه اعتقاد .

(۵) الله تعالی یه عرض اولوناجق عبودیتلرک مقبول و رفع اولوناجق دعالرک مستجاب اولاجغنه اعتقاد .

(۶) بعض امکانه و ازمه نک و تقدیم قربان و تطیب قلوب محتاجین کی اعمال صالحه نک

استجابت دعاده تأثیری اولدیغنه اعتقاد .

(۷) روحک وجود و بقاسنه اعتقاد .

(۸) جن و شیطان و ملکلرک وجودینه اعتقاد .

دین بر آغاجه بکزه دیلیرسه بوسکیز عقیده آنک دالاری مقامنده اولور .

آغاجک صاغلام و مثمر اولماسی فصل که کوکینک صاغلام اولماسینه متوقف ایسه

دینکده صاغلام و مثمر دار اولماسی اسانک صاغلام و صحیح اولماسنه متوقفدر .

دینک اساسی . — خالقی و معبودیتده ذات باری رب العالمینی توخیددر .

انسانی کنیدلیرینه ضلالتقرین ایلدیمک ایچین متصل چالیشان اولاد ابلیس ایشته

هواساسه مسلط اولارق غیبی انکار ایتدیرمه مش اولدقلری انسانلری شرکه دوشوردرلر .

اساسی شرک ایله بوزولان بر دین یا کوکی چوروینه آغاج کی قورور . یا کوکندن

هوت آلامیان آغاج کی میوه رینه طیرطیل ویرر .

جناب حق متصف اولدینی صفتلرک غیر برصفتله بیلمک شرکه دوشمکدر .
زیرا تصور ایدیلن صفت ذات باریده نفس الامرده موجود دکل ایسه اوصفتله متصف
اولق اوزره تحیل ایدیلن شیء شهبه سز جناب حقک غیر اولاجندن آکا خالقیت
ومعبودیتده اوشی شریک قوشولش اولور .

جناب حق نفس الامرده متصف اولدینی صفتلرله بیله رک ذات باریسینی خالقیت
ومعبودیتده توحید ایدن کیمسه لر ایشته حقیقی اهل دین و اهل اسلام آنلردر .
دین و اسلام لغتا و ماهیتا بردر . چونکه دین لغتا خضوع و انقیاد معناسنه کلدیکی
کی اسلامده لغتا و معنایه کلیر .

ماهیت دین پیغمبرلره وحی و الهام بیوریلان معارف الهمیه و تعالیم ربانییه خضوع
و انقیاد اولدینی کی ماهیت اسلامده اویله در .

اسماء الحسنی شرحی یازمقله دینک اساسنی حضرت خاتم الانبیانک فصل تحکیم بیورمش
اولدینی و بناء علیه [خاتم الانبیاء] و [رحمة للعالمین] اولماسنک حکمتنی کوسترمک ایستیورم
«ومن الله التوفیق» .

احمد راسم عونى